



Usgoob 10 - im Oggtober 2016

dass "Wildi" am Cortège nimme zuegloo wärde.

Unbeydruggt dervo, hän sich d'JOKER WAGGIS am Fasnachts-Mäntig 2000 denn ainewäg in Cortège yggrait - und prompt e Ermaanig griegt, am Mittwoch der Waage deheim z'loo.

Us Respäggt het me das denn au gmacht und isch am Fasnachts-Mittwuch z'fuess mit eme Handwaage unterwägs gsi.

E Joor druff isch me no kai Schritt vorwärts koo. Uff der Wartelische vom Fasnachts-Comité an fimfter Stell, isch d'Ussicht allefalls als

Wo im Oggtober 1996 - der genau Daag isch laider nit iiberliiferet - der Grundstai zer Geburt vo de JOKER WAGGIS gleegt worde isch, het sich wool kuum ebber Gedangge driiber gmacht, ob die Glygge in 20 Joor no bestoo duet. Aafänglich als Quartett, isch in de vergangene 20 Joor e glaini Erfolgsgschicht entstande, mit mittlerwyyle 10 Aggtive. Nadyrlig sinn d'Zytte nit allewyy!

Der erscht Heehunggt in der Gschicht vo de JOKER WAGGIS isch nadyrlig d'Grindig gsi, obwool doo derby alles rächt schnäll gange isch! S'Konzäpt isch in kirzeschter

glichen aifach gsi - und amme hän d'JOKER WAGGIS au e weeneli uff d'Zään bysse miesse. Aber am Änd het's sich doch immer wiider zem Guete gwändet. So sinn in dääre lange Zyt unvergässligi Erinnerung entstande. Aber au die aint oder ander Hyylgsgschicht, wo vielleicht nit jeedem bekannt oder wiider in Vergässeheit groote isch. E paar Meilestai wänn miir Euch doo neecher bringe ...

Zyt gstande und e passende Waage rasch uffdriibe gsi. So isch me am 17. Hoornig 1997 zem erschte Mol am Cortège mitgfaare. Was me deermols nonig als wichtig erachtet

het, isch die offiziell Aamäldig bim Comité gsi.

Wobyy me derby feschthalte muess, dass es z'Basel deermols au iiberhaupt kai Schand gsi isch, "wild" Fasnacht z'mache!

Zem Verhängnis isch dää Entschaid denn fascht im Joor 2000 worde. Deermols hän s'Comité und d'Basler Bolizey vor der Fasnacht e Brief verschiggt,



Gaschtwaage deerfe mitfaare, eenter glai gsi. So het me sich uff d'Suech nach eme andere Waage gmacht, wo fir d'Fasnacht 2001 e Glygge-Partnerschaft yggo mecht. Und daatsächlich het sich mit de

Balggebieger e Waageglygge finde loo, wo Asyl aabotte het. So hän d'Balggebieger linggs und d'JOKER WAGGIS uff der rächte Waagesytte iir aigenes Sujet kenne präsentiere.

WYTER SYTTE 2

Events

Grillplasuch 2016

SYTTE 2



Kurioses

S'Joker-Alphabet

SYTTE 3

a B c

Volle Ysatz

Garage-Sanierig

SYTTE 3



FORTSETZIG

Drum isch es au zumene kuriose Momänt koo, wo der Waage im Fäärnsee duur s'Bild gfaare isch. Denn zur Waagesytte vo de JOKER WAGGIS - wool gmergt mit säggs FCB-Waggis im Bild - maint der Kommentator kurz und drogge: "Jetz gseen miir d'Balggebieger mit iirem Sujet Hanfdampf!"



"Zrugg ins Joggeli" oder "Hanfdampf"?!?

Au vor der Fasnacht 2003 isch me allewyyl erscht an dritter Stell vo der Wartelichte gsi. Me het sich also wiider ebbis miesse yyfalle loo. E wyteri Glygge-Partnerschaft isch fir d'JOKER WAGGIS deertmols nit in Froog koo, esoo het me sich entschlosse, us alte Velos zwai Gfäärt z'baschtle. Au wenn's am Cortège gweenigsbedirftig gsi isch, isch's am Änd ainewääg e scheeni Fasnacht worde. Und nadyrlig het me sich e glaini Protäscht-Aggzioon bim Comité nit kenne vergnaiffe!



Fasnacht 2003: Miir sinn mit em Velo doo

D'Fasnacht 2006 isch nit numme fir d'JOKER WAGGIS speziell gsi. Denn vo Schnee iiber Rääge bis zu stralendem Sunneschiin, het's an dääre Fasnacht alles gää. Vor allem der Schneefall isch - dangg em Ysatz vo der Stadtreinigung - fir die maischte Fasnächtler kai greessers Problem gsi.

Bi de JOKER WAGGIS het das no e weeneli andersch usgseh. Denn im Geegesatz zur Stadt, isch im Schänzli-Areal - wo der Waage yygstellt gsi isch - no kai Schnee gruumt worde. So hän die Aggtive am Sunntig vor der Fasnacht e Sonderschicht miesse yleege.

Nach der offizielle Uffnaam vom Comité uff d'Fasnacht 2007, het me denn im Fasnachts-Joor 2008 mit der Garage in Birsfælde no e neue Waagebau-Platz bezooge.



Fasnacht 2008: Mit Volldampf in d'Zuekunft

Dangg däm ganzjeerlig verfiigbare Standort und de meerfach erheete Platzverhältnis, hän sich ganz neu Meeligkaite botte. E seer wichtige Schritt zur speetere Vergreesserig vo der Glygge ...

Waage und Sujet an der Fasnacht 2012 sinn fir e mängge vo de

JOKER WAGGIS bis hit e Highlight. Bis deert hii wool s'bescht und s'intelegguellscht Sujet, paart mit em erschte groosse Uffbau uff em Waage und derzue e grandioosi Laarve - es het aifach alles passt!



Fasnacht 2012: "Fondation Culture Morte"

Doch bineme Hoor hätt das gar nit kenne stattfinde!

Wie jeedes Joor sinn am Samschtig vor der Basler Fasnacht der Waage und der Draggdoor parat gmacht worde. Doch irgendetwas muess passiert syy, denn bis am Oobe het bim Draggdoor ai Pneu plötzlig Luft verlooore.

In ere Nacht- und Näbel-Aggzioon isch wirglic in letschter Sekunde Ersatz uffdriibe worde, so dass d'JOKER WAGGIS planmässig hän kenne Fasnacht mache!

Uff d'Fasnacht 2014 isch es denn sowyt gsi, der Draum vom lang erseente neue, greessere Waage isch ändlig in Erfillig gange!

Und jetz???

Das sell's no lang nit gsi syy! Denn au an der Fasnacht 2017 wänn d'JOKER WAGGIS wiider alles gää. Me darf also gspannt syy ...

Grillplausch 2016 - e kulinarische Draum

Syt ainige Joor findet jeede Summer der tradizioonell Grillplausch statt. Und nadyrlig isch das au in däm Joor esoo gsi. Am 13. Auguscht 2016 hän d'JOKER WAGGIS zum gmieltige Zämmesyy yyglaade. Der Aasturm het sich zwar in Gränze ghalte - aber die wo koo sinn, hän's nit bereut ...

Diesmol isch aber alles e weeneli andersch gsi, denn im Jubiläums-Fasnachts-Joor hän sich d'JOKER



Spare Ribs vom Smoker zer Vorspys ...

WAGGIS nit welle lumpe loo. So isch kurzerhand e Smoker organisiert worde. Gfillt mit massig Spare Ribs, het dää denn knapp fimf Stunde vor sich här brutzlet.

Es isch e kulinarische Draum gsi, wo doo uff d'JOKER WAGGIS und iiri Familie, Frinde und Passiv-Mitglieder gwartet het.

Doch nit numme der Smoker isch guet gfillt gsi, au der Grill, d'Salat-Bar oder speeter s'Dessert-Buffer



... Steaks zem Hauptgang, oder lieber doch e Stiggli Kueche? Fir jeede ebbis derby!




hän zem Schlemme yyglaade! Schaad, wär das verpasst het! Doch der näggscht Grillplausch kunnt bestimmt ... im Summer 2017.

Volle Ysatz bi der Garage-Sanierig!

Nach acht Joor in der Garage in Birsfælde und meerere glainere Reparatur- bzw. Sanierigs-Aarbete in dääre Zyt, hän sich d'**JOKER WAGGIS** im Herbst 2016 derzue entscheide, ändlig e greesseri Sanierig in Aagriff z'nää. Wie sich zaigt het, e volländs loonenswäärts Projäggt.

D'Ydee isch erscht noch und noch entstande. Urspringlig isch der Plan gsi, d'Dachfänschter z'erneuere und rund umme besser abzichte.



Dicht und häller: Die neue Dachfänschter

Das isch denn au der erscht Schritt gsi. Doch scho kurz druff isch - mit Hilf vo Profis - s'Dach in Aagriff gno worde. Mit em Abdichte vo mängge Lecher, het me bis uff zwai Stelle s'Dach daatsächlich dicht griegt. Und mit dem Erfolg im Hinterkopf hän d'**JOKER WAGGIS** pletzlig Luscht uff mee bekoo. Denn wenn s'Dach - die greescht Schwachstell - esoo guet uuse koo isch, worum nit grad wyter mache?!

Als näggschts het me sich drum um d'Garage-Yyfaart kimmeret. Denn fir aifachers iine- und uusefaare, isch s'Eebne dringend neetig gsi.



Wiider geebnet: Die neu Garage-Yyfaart

Jetzt isch e regelrächti Euphorie entstande und mit em neu Verputze vo de Innewänd isch es grad wyter gange. Doch d'**JOKER WAGGIS** hän no lang nit gnuet und d'Vision isch klar; d'Garage sell bis im 2017 e glains Schnuggstigg wärde!

Kurioses: S'Joker-Alphabet

20 Joor git's d'**JOKER WAGGIS** scho ... und ainiges hän miir in dääre Zyt gmainsam erlääbt. Esoo isch iiber d'Joor au der aint oder ander kurios Usdrugg entstande. S'wird also Zyt, fir s'erschte offizielle Joker-Alphabet. Aber Achtig; nit allewyl ganz so ärnscht nää ...

A wie **Ainzelmasgge**
git's schyyns verainzelnd bi de **JOKER WAGGIS** ... sogar no hit!

C wie **Cortège**
s'Zyyl vo jeedem Fasnachts-Joor ... oder isch der Wääg s'Zyyl?!

E wie **Egon das Wiesel**
lääbt schyyns in der Garage, aber loo gsee lost er sich nit ...

G wie **Grillplausch**
ain vo unsere jeerlige Aaläss nääbe der Fasnacht

I wie **Intrigiere**
d'Uffgoob vom Waggis, mache miir gritz und gweer am Cortège

K wie **Klingeli**
ob Lääberli oder Schnägge, fir uns allewyl e Abstächer wäärt

L wie **Läggerli**
die bagge miir sälber - unser Marggezaiche syt em erschte Joor

M wie **Moorgestraich**
zwar numme passiv derby, fir uns aber ainewääg ebbis Speziells

N wie **NelsonPub**
unseri Stammbaiz. Wenn dää miesam Baizer numme nit wär ...

O wie **Orange**
und nit, wie's im Glaibasel amme haisst: "Ey, gib Mandarine!"

Q wie **Qualität statt Quantität**
Lieber e Hampfle Röppli im Kraage, als der Sagg uff der Strooss

S wie **Schnitzelbängg**
wurde miir au gärn emol singe! Und was nit isch, ka jo no wärde ...

U wie **Uelischränzer**
bzw. iir "Gugg The Muusig" - allewyl e Heehepunggt aafang Joor

W wie **Waagebau**
mee als numme Schaffe, fir gwissi vo uns e richtigi Philosophie

Y wie **Ystoo**
fir d'**JOKER WAGGIS** allewyl um 13:30 Uhr am Wettstaiplatz

B wie **Blaggedde-Verkauff**
jeerlig vor em Moorgestraich, nit ganz niechter am Baanhof SBB

D wie **Dächer**
sinn nit numme unseri Frinde gsi, aber d'Verseenig isch gryffbar

F wie **Fasnacht**
doo drum draht sich bi de **JOKER WAGGIS** aifach alles

H wie **Hälferysatz**
iibernämme miir verschieden und sinn derby nit emol ungschiggt

J wie **Jokerkuss**
unsere aigene Kult-Shot - Zwätschgewasser, Moorekopf drii.



Der Jokerkuss - Auge zue und aabe dermit

P wie **Passiv-Mitglieder**
unterstize uns, wo sii numme kenne, doo derfir e härzlige Danggl!

R wie **Reggwysite**
e andere, ganz lieb gmainte Usdrugg fir unsere wyyblige Aahang

T wie **Tradizioon**
isch uns enorm wichtig, aber ainewääg bliibe miir offe fir Neus

V wie **Vorfasnacht**
gheert fir uns derzue, wie z.B. letscht Joor im "Fasnachtskiechli"

X wie ...
... es duet uns laid, aber was ka me scho zu "X" saage!?

Z wie **zwanzig**
Joor **JOKER WAGGIS** - und hoffentlig kunnt no e mänggs derzue



"Gugg The Muusig" vo de Uelischränzer, fir uns der alljeerlig Startschuss in d'Vorfasnacht